

BASES REGULADORAS E CONVOCATORIA DOS PREMIOS DO XXI CONCURSO DE CARTAS “DILLO A QUEN MALTRATA 2024” DO CONCELLO DE LALÍN

O Concello de Lalín, con motivo do 25 de novembro, Día Internacional contra a Violencia de Xénero, convoca o **XXI Concurso de cartas “Dillo a quen maltrata” 2024**, de acordo coas bases aprobadas pola Xunta de Goberno Local en sesión celebrada o día 6 de setembro de 2024.

A Lei 11/2007, do 27 de xullo, galega para a prevención e o tratamento integral da violencia de xénero, recolle no artigo 1 do Título preliminar, enténdese por violencia de xénero calquera acto violento ou agresión, baseados nunha situación de desigualdade no marco dun sistema de relacións de dominación dos homes sobre as mulleres que teña ou poida ter como consecuencia un dano físico, sexual ou psicolóxico, incluídas as ameazas de tales actos e a coacción ou privación arbitraria da liberdade, tanto se ocorren no ámbito público coma na vida familiar ou privada. Inclúese dentro do concepto de violencia de xénero a violencia vicaria, entendida esta como o homicidio, asasinato ou calquera outra forma de violencia exercida sobre as fillas ou fillos da muller, así como sobre calquera outra persoa estreitamente unida a ela, coa finalidade de causarlle maior dano psicolóxico, por parte de quen sexa ou fose o seu cónxuxe ou por quen mantivo con ela unha relación análoga de afectividade aínda sen convivencia. E no artigo 4, considera a violencia de xénero como unha forma extrema de desigualdade, incidindo unha parte importante da lei na prevención da violencia a través da sensibilización, a investigación e a formación en materia de igualdade.

A Lei 7/2023, de 30 de novembro, para a igualdade efectiva de mulleres e homes de Galicia, establece no artigo primeiro o compromiso da Comunidade Autónoma de Galicia coa eliminación da discriminación das mulleres e coa promoción da igualdade entre mulleres e homes, atribuíndolle o máis alto grao de efectividade ao dereito constitucional á igualdade entre mulleres e os homes no ámbito das competencias da Comunidade Autónoma, consonte as obrigas impostas aos poderes públicos de Galicia no artigo 4 do Estatuto de autonomía de Galicia, entre as que figura a de promover as condicións para que a liberdade e a igualdade da persoa e dos grupos en que se integra sexan reais e efectivas, así como remover os atrancos que impidan ou dificulten a súa plenitude e facilitar a participación de todos os galegos/as na vida política, económica, cultural e social.

Nesta actuación recoñécese o ámbito municipal, pola súa proximidade á cidadanía e polo coñecemento da situación específica da súa poboación, como o idóneo para o desenvolvemento de accións tendentes a garantir a igualdade entre mulleres e homes, a prevención e a erradicación da violencia de xénero, así como para o establecemento das condicións que posibiliten a participación das mulleres na vida política, económica, cultural e social.



Igualdade

O Real Decreto-lei 9/2018, de 3 de agosto, de medidas urxentes para o desenvolvemento do Pacto de Estado contra a violencia de xénero, na disposición final primeira modifica a Lei 7/1985, de 2 de abril, Reguladora das Bases de Réxime Local e xustifica como competencia propia municipal, engadindo o parágrafo o) ao apartado 2 do artigo 25 da Lei 7/1985, de 2 de abril, coa seguinte redacción: ***“o) Actuacións na promoción da igualdade entre homes e mulleres así como contra a violencia de xénero.”***

A Concellería de Igualdade do Concello de Lalín ten pois entre os seus obxectivos contribuír á realización efectiva do principio de igualdade entre mulleres e homes. Entre as accións tendentes á consecución do dito fin está a realización, ao longo de todo o ano, de actividades de sensibilización, información e formación sobre a violencia de xénero, cunha finalidade común, visibilizar, previr e tratar de dar resposta a este problema.

Tendo en conta o exposto anteriormente e ao amparo da Lei 38/2003, do 17 de novembro, Xeral de Subvencións; do R.D. Legislativo 887/2006, do 21 de xullo, polo que se aproba o Regulamento da Lei 38/2003, Xeral de Subvencións; da Lei 9/2007, do 13 de xuño, de subvencións de Galicia; da Lei 39/2015, do 1 de outubro, do Procedemento Administrativo Común das Administracións Públicas; da Lei 5/1997, do 22 de xullo, de Administración Local de Galicia; da Lei 7/1985, de 2 de abril, Reguladora de Bases de Réxime Local; da Lei 40/2015, do 1 de outubro, do réxime xurídico do sector público; do R.D. Legislativo 2/2004 polo que se aproba o Texto Refundido de Facendas Locais; do R.D. 500/1990 polo que se desenvolve o capítulo primeiro do título sexto da Lei 39/1988, Reguladora das Facendas Locais en materia de orzamentos; das Bases de execución do orzamento 2024 do Concello de Lalín e respectando o establecido na Lei Orgánica 3/2018, de 5 de decembro, de Protección de Datos Persoais e Garantía dos Dereitos Dixitais, **o Concello de Lalín**, a través da Oficina de Igualdade, **convoca o XXI concurso de cartas “Dillo a quen maltrata” 2024**, de acordo coas seguintes:

BASES

Con motivo do 25 de novembro, Día Internacional contra a Violencia de Xénero, o Concello de Lalín convoca o **XXI Concurso de cartas “Dillo a quen maltrata 2024”**

As presentes bases teñen por obxecto a concesión de premios do **XXI Concurso de cartas “Dillo a quen maltrata”**, organizado polo Concello de Lalín, a través da Oficina de Igualdade, coa finalidade de promover a reflexión sobre a problemática da violencia de xénero nas súas diferentes manifestacións física, psicolóxica, sexual, económica, estrutural, vicaria..., así coma os efectos e consecuencias da mesma.



1. Poderán participar todas as persoas que así o desexen. Cada participante poderá enviar un máximo de tres cartas.
2. As cartas deberán ser remitidas xunto coa ficha de inscrición a través **da Sede Electrónica ou do Rexistro Xeral do Concello de Lalín**, tamén poderán enviarse **por correo electrónico a igualdade@lalin.gal**, nun arquivo a carta e noutro a ficha de inscrición, indicando no asunto XXI Concurso de cartas “Dillo a quen maltrata”.
3. A temática á que deben axustarse os traballos é **a violencia de xénero**.
4. Os traballos presentaranse en galego ou castelán e terán unha extensión máxima de dous folios, escritos por unha soa cara a dobre espazo, preferiblemente en letra Arial, tamaño 12 e formato DIN A4.
5. Todos os traballos que se presenten deberán ser orixinais, inéditos e non presentados en anteriores concursos.
6. Os criterios de valoración para elixir ás persoas premiadas serán os seguintes: contido e tratamento do tema (ata 4 puntos), orixinalidade (ata 3 puntos), expresión e presentación en xeral (ata 3 puntos).
7. Estas bases reguladoras publicaranse no Boletín Oficial da Provincia de Pontevedra (BOPPO) e con posterioridade remitirase a convocatoria á Base de Datos Nacional de Subvencións (BDNS) que será a que lle de traslado do seu extracto ao BOPPO. O prazo para a presentación das cartas empezará ao día seguinte á publicación do extracto da convocatoria no BOPPO e rematará **o luns 4 de novembro**. As bases estarán a disposición das persoas interesadas na Oficina de Igualdade e na web www.lalin.gal
8. A organización do concurso procederá á preselección de vinte cartas. Os orixinais quedarán en poder da Oficina de Igualdade, que se reserva o dereito para a súa publicación, exposición, doazón..., ou calquera outro tratamento posterior, sempre sen ánimo de lucro.
9. Das vinte cartas preseleccionadas, un xurado composto por concelleiros e concelleiras de diferentes áreas municipais, por representantes dos grupos da oposición e por persoal técnico con experiencia en violencia de xénero, presidido pola Concelleira de Igualdade, ou persoa en quen delegue e cuxa secretaría será desempeñada pola axente de igualdade, valorará entre 1 e 10 puntos cada unha das cartas atendendo aos criterios de valoración recollidos no punto 6. Entre as mellor puntuadas decidirá cales son as tres gañadoras.



Igualdade

O fallo do xurado recollerase nun acta e será levado á Xunta de Goberno Local para a aprobación da concesión dos premios, que se fará público na web do Concello de Lalín www.lalin.gal

A composición do xurado será a seguinte, ou persoas en quen deleguen:

Presidencia: Concelleira delegada de Igualdade.

Vogais:

- Concelleiro delegado de Xuventude.
- Representante do grupo municipal CxG.
- Representante do grupo municipal PSOE.
- Psicóloga do Centro de Información ás Mulleres.
- Axente de Igualdade.
- Técnica/o do gabinete de prensa.

Secretaría: Axente de Igualdade.

10. Os premios outorgaranse en especie e consistirán nun **diploma acreditativo** e os seguintes premios:

1º premio: Tablet 11" 128GB valorada en 269,00 €

2º premio: Tablet 10,1" 32GB valorada en 169,00 €

3º premio: Lector de libros tinta electrónica 6" valorado en 129,00 €

O importe total dos premios será de 567,00 € con cargo á aplicación orzamentaria 2024.0.2312.48100

Os premios entregaranse en acto público ao que deberán asistir, se é posible, as persoas gañadoras, que serán avisadas con antelación. Os premios poderán ser declarados desertos e o fallo do xurado será inapelable.

11. As cartas gañadoras poderán divulgarse a través dos medios de comunicación e redes sociais.

12. As persoas participantes serán as únicas responsables do contido das súas cartas en canto a esixencias legais de dereitos de autoría ou plaxios, segundo as leis vixentes. Cada participante, polo mero feito de participar, acepta estas bases. Calquera outra circunstancia non prevista nas mesmas, será resolta polo xurado, e as súas decisións serán inapelables.

13. As persoas premiadas deberán acompañar **declaración responsable do cumprimento dos requisitos previstos no artigo 13.2 da Lei 38/2003, de 17 de novembro, Xeral de Subvencións**. Sen esa declaración non poderán ser beneficiarias dos premios.



14. A resolución de concesión dos premios esgota a vía administrativa e contra ela cabe interpoñer recurso contencioso-administrativo no prazo de dous meses, ante o órgano competente da xurisdición contencioso - administrativa, e poderá formularse, con carácter potestativo, recurso de reposición, no prazo dun mes, ante o mesmo órgano que ditou a resolución impugnada, de conformidade co disposto na Lei 29/1998, do 13 de xullo, reguladora da xurisdición contencioso-administrativa, e na Lei 39/2015, do 1 de outubro, do procedemento administrativo común das administracións públicas.

Lalín, 6 de setembro de 2024. A Concelleira Delegada de Igualdade, M^a Carmen Canda Larroy

DOCUMENTO ASINADO DIXITALMENTE AO MARXE



FICHA DE INSCRIPCIÓN NO XXI CONCURSO DE CARTAS “DILLO A QUEN MALTRATA 2024”

Nome:

Apelidos:

DNI:

Idade:

Enderezo:

Poboación:

C.P.:

Telf.:

Correo electrónico:

Centro de traballo ou estudos:

Pola presente declaro a autoría das obras presentadas ao concurso e a posesión dos seus dereitos de autoría. Autorizo á Oficina de Igualdade do Concello de Lalín para a súa libre exposición, reprodución e publicación en actividades sen ánimo de lucro. Coa miña participación acepto as bases do concurso.

Firma:

Data:

Desexo que a autoría da miña carta quede no anonimato empregando o pseudónimo.....

OFICINA DE IGUALDADE

Praza de Galicia, 1
36500 Lalín (Pontevedra)
986 78 70 60 - 986 18 10 45
igualdade@lalin.gal



INFORMACIÓN BÁSICA SOBRE PROTECCIÓN DE DATOS

Os datos por Vde. facilitados serán tratados polo CONCELLO DE LALÍN, en calidade de Responsable de Tratamento, coa finalidade de levar a xestión de preinscricións, inscricións e desenvolvemento de actividades de carácter sociocultural, a nivel individual. Xestión administrativa e contable do servizo.

A base xurídica de lexitimación para o tratamento dos datos persoais radica no consentimento explícito manifestado por Vde. mediante a formalización da reserva, participación, inscrición ou matriculación. En todo caso, os datos serán tratados no cumprimento dunha misión realizada en interese público ou no exercicio de poderes públicos conferidos ao CONCELLO DE LALÍN.

Os datos serán conservados durante o prazo de tempo que teña duración á actividade. Con todo, os datos poderán ser conservados, no seu caso, con fins de arquivo de interese público, fins de investigación científica e histórica ou fins estatísticos.

Os datos serán cedidos ás entidades públicas ou privadas, ás cales sexa necesario ou obrigatorio ceder estes para poder xestionar a súa solicitude, así como nos supostos previstos, segundo Lei.

Vde. poderá exercitar os dereitos de Acceso, Rectificación, Supresión, Limitación ou, no seu caso, Oposición. Para estes efectos, deberá presentar un escrito no Rexistro de Entrada, electrónico ou presencial, do CONCELLO DE LALÍN. No escrito deberá especificar cal destes dereitos solicita sexa satisfeito e, á súa vez, deberá mostrar ou, en caso de envío postal, acompañar a fotocopia do DNI ou documento identificativo equivalente. No caso de que actuase mediante representante, legal ou voluntario, deberá achegar tamén documento que acredite a representación e documento identificativo do mesmo. Así mesmo, en caso de considerar vulnerado o seu dereito á protección de datos persoais, poderá interpoñer unha reclamación, en primeiro lugar, ante o noso Delegado de Protección de Datos: dpd@lalin.gal ou, no seu caso, ante a Axencia Española de Protección de Datos (<http://www.aepd.es>).

